

Allannguutissatut siunnersuut

uunga

**Unga siunnersuut: Eqqumiitsuliornermik ingerlatsineq pillugu Inatsisartut inatsisaannut allannguutissatut siunnersuut** (Ataqqinaammik tunissutisisitsisarneq akissarsisitsinikkullu tapiissuteqarnissamut tunngavik)

Aappassaaneerneqarnissaanut Naalakkersuisunit saqqummiunneqarpoq.

§ 2-mut

**1. § 2 imatut oqaasertalerneqassaaq:**

”**§ 2. Inatsisartut inatsisaat ulloq 1. juli 2023 atuutilissaaq.”**

Allannguutissatut siunnersummut nassuaatit

**Nassuaatit nalinginnaasut**

2022-mi Ukiakkut ataatsimiinnermi siunnersuut Naalakkersuisunit saqqummiunneqarpoq. Siunnersuut ulloq 5. oktober 2022-mi siullermeerneqarpoq, kingornatigut siunnersuut Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliami suliarineqassasoq Inatsisartut aalajangerpaat. Tamatuma kingorna siunnersuutip aappassaaneerneqarnissa pingajussaaneerneqarnissaalu 2023-mi Upernaakkut ataatsimiinnermut kinguartinneqarnissaata Ataatsimiititaliap qinnutigaa.

§ 2-mut immikkut nassuaatigineqartuni siunnersummi makkua takuneqarsinnaapput:  
”*Aalajangersakkami takutinneqarpoq Inatsisartut inatsisaata siunnersuutigineqartutut piffissaq atuutilerfissa. 1. januar 2023. Tamatumani siunertaavoq allannguutip akuersissutigineqarniarneranit piaartumik atuutilernissaa.*”

Siunnersuutip aappassaaneerneqarnissaata pingajussaaneerneqarnissaatalu 2023-mi Upernaakkut ataatsimiinnermut kinguartinneqarnera maannakkut tamanna isumaqarpoq, siunnersuutip ulloq 1. januar 2023-mi atuutilerfissa, kingumut aaqqiinerusoq. Nalinginnaasumik inatsisitigut tunngaviuvoq inatsisit kingumoortumik atuuttussanngorlugit atuutilersinneqartariaqannginnerat, taamaattumik Naalakkersuisut allannguutissatut siunnersummiq saqqummiussipput siunnersuutip akuersissutigineqarnerata kingorna siunnersuutip atuutilernissaa siunertaralugu.

**Allannguutissatut siunnersummi aalajangersakkanut ataasiakkaanut nassuaatit**

Nr. 1-imut

Aalajangiiffigineqarpoq, Inatsisartut inatsisaat 1. Juli 2023 atuutilissasoq, taamaalilluni siunnersummik Inatsisartut akuersissuteqareernerasigut atuutilissalluni.